



# basic education

Department:  
Basic Education  
REPUBLIC OF SOUTH AFRICA

## NATIONAL SENIOR CERTIFICATE

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LESIBILI (P2)

LWETI 2019

TICONDZISO TEKUMAKA

EMAMAKI: 70

Leticondziso tekumaka tinemakhasi la-12.

## TICONDZISO TEKUMAKA

- Nangabe umhlolwa aphenzvule imibuto lengetulu kwaleyo lelindzelekile, maka timphendvulo letisekucaleni kuphela, maka kuphela imphendvulo yembuto wekucala kuleso naleso SIGABA. Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ingamakwa.
- Nangabe tinombolo tetimphendvulo tinemaphutsa, maka ulandzele imemorandamu.
- Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, kunganikwa limaki.
- Imibuto lemifisha: Nangabe umhlolwa angakafaki bokhulumile nangabe kufanele acaphune akangajeziswa.
- Emibutweni levulekile bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Onkhe emamaki anikwa sizatfu/kuchaza ngalokugcwele/kwesekela/kucaphuna.
- Emibutweni lefuna LICINISO/LIPHUTSA nobe LIPHUZU/UMBONO emamaki akangehlukani emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.

## SIGABA A: INOVELI

### UMBUTO 1: *KWASHA TIKHOTSA* – LL Dlamini

- 1.1 1.1.1 C/Sikhatsi sakudzala. (1)
- 1.1.2 B/NguMswati. (1)
- 1.1.3 Ludvweshu lwangaphandle ngobe tinkhulumo taMswati tikhombisa kutsi kuyaliwa. (2)
- 1.1.4 Imveta angumunfufu longatsandzi kulwa kunganasizatfu ngobe vele wazama kukhulumisana nabobhuti bakhe kucala ngembi kwekuphaka imphi. (2)
- 1.1.5 Mswati wesibili ubukene nenkinga yekuhlaselwa bobhuti bakhe lesebamhlanganyela netive letisedvute bambangisa sikhundla sakhe. (2)
- 1.1.6 Awazange aphumelela ngobe Mswati walibusa ngemuva kwekutsi abancobe. (2)
- 1.1.7 Loku lokwenteka kulenovelu kusenteka nakulesikhatsi lesiphila kuso, emacembu etepolitiki laphikisako alwa nelicembu leliphetse afuna kuphatse wona.  
Labatawutsi akufani batawusekela batsi, kulesikhatsi sanyalo akusahlaselwana kucitseke ingati kepha kuphikiswana ngemavi (Timphehndvulo titaweuhluka.) (2)
- 1.1.8 Bekungakafanele ngobe sikhundla sebukhosi akusiso sanobe ngubani, inkhosi iyakhetfwa ngekulandzela imitsetfo yeSiswati/abengakatibeki yena Mswati kulesikhundla futsi bekafuna babambisane babuse nalabobhuti bakhe.  
(Timphehndvulo titaweuhluka.) (2)
- 1.1.9 Yebo tacatululeka ngobe Mswati bobhuti bakhe labo bebalwa naye wabahlasela wabancoba/Tive lebetimgucukele watincoba ngekutibulala/tindlu netiganga lebetitetsa takhe watishisa/Yena wasala abusa ngekuthula.  
(Kutsatfu kwaloku.) (3)

## 1.2 ITHEKSTHI B

- 1.2.1 A/Elawini. (1)
- 1.2.2 Umsebenti waboKhambi naSicobolonjwane bebatinhlole tenkhosi Mswati. Babetfunywa yinkhosi babuye bayatise ngako konkhe lokwenteka esiveni sayo kanye naseveni layo. (1)
- 1.2.3 Bengingaya kubo ngikhulume nabo, nabakhombisa kungalaleli ngibajezise ngekubabopha.  
(Imibono itaweHLuka.) (2)
- 1.2.4 Besikahle ngobe sasimnika sibindzi sekubukana nalenkinga yabobhuti bakhe. (2)
- 1.2.5 Ngiyavumelana nawo ngobe kuyavela kutsi ufisile kuHlanganyela nabo, uze uyasho kutsi lombuso usetandleni tabo bonkhe hhayi kwetakhe yedvwa. Labangavumelani nalombono basekela ngetizatfu letifanele. (2)
- 1.2.6 Yebo liyamlandzela simtfolo ahamba ashiya boSomcuba naSidwala basakhuluma ngeliphupho lelibika kuHlaselwa nguMswati wahamba indlela lendze abalekela kuHlaselwa nguMswati. (2)
- 1.2.7 Ubalulekile ngobe kumele yelaphe inkhosi kutsi ingalinyatwa titsa ngemutsi/Kucinisa sigodlo senkhosi singahlaselwa/Kuvikela bantwana benkhosi kutsi bangahlanyiswa nobe babulawe malula/Kucinisa sihlalo senkhosi/kucinisa emabutfo uma inkhosi iphaka imphi kutsi ingehlulwa.  
(Kubili kwaloku.) (2)
- 1.2.8 Ngumbango webukhosi ngobe Mswati ubangiswa sihlalo sebukhosi bomnakabo. (2)
- 1.2.9 Yebo kukhona sihloko sithi kwasha tikhotsa endzabeni sitfolo Mswati ashisa abulala tonkhe titsa takhe ashisa netiganga labakhe kuto netindlu tabo atibhubhisa. (2)
- 1.2.10 Sifundvo sekutsi ungabomfisela lomunye umuntfu lokubi ngobe kugcina kulimele wena, loku sibona banakaboMswati bahlaselwa babulawa kepha bekungibo bebenta emasu ekubulala Mswati wesibili.  
(TimpheNdvulo titaweHLuka.) (2)

[35]

## UMBUTO 2: NGENCA YAKHO – JJ Ncongwane

### ITHEKSTHI C

- 2.1 2.1.1 D/NgaDisemba. (1)
- 2.1.2 B/Ngaphasi kwesihlahla (1)
- 2.1.3 Imiphumela yebafundzi iphuma ngelilanga lekuvalwa kwetikolo/bafundzi labaphumelele ngemalengiso batfola imiklomelo/emaphepha ebafundzi belibanga lelishumi nakubili alungiselelwa ngaphandle kwesikolo.  
(Kubili kwaloku.) (2)
- 2.1.4 NguMshumayeli ngobe nguye umfundzi lowaphumelela ngemalengiso eMvongotsini, wabuye wafundza wancoba tonkhe tinkinga bekabukene nato kulenoveli. (2)
- 2.1.5 Umbhali bekafuna kusitjela kutsi imfundvo ibalulekile, ngaphandle kwayo angeke sibe nelikusasa lelichakatile ngiko avete kusekelwa nekutimisela kwebafundzi ngalendlela/bekasivetela kutsi bafundzi labasekelwako baphumelela kahle/usivetela kutsi ummango nawo kumele usite emfundvweni yelusha.  
(Naleminye imibono lenembako yemukelekile.) (2)
- 2.1.6 Indzima yekugcugcutela batali kutsi babobasekela bantfwana babo nabafundza sikolo abuye asite ngekubanika inkhomo yekwenta lomcimbi ube yimphumelelo. (2)
- 2.1.7 Babafundzi lebanesimilo lesihle ngobe bayabahlonipha bothishela, baya esikolweni kuze kufike lilanga labo lekuvala tikolo.  
(Naleminye imibono lenembako yemukelekile.) (2)
- 2.1.8 Kuneligalelo lelihle ngobe bayagcugcuteleka kutsi nabo bafundze baphase ngemalengiso, bahambe bayofundza kuletinye tikolo temabanga lasetulu. (2)
- 2.1.9 Cha abasekho ngobe bafundzi banyalo sebanemalungelo ngeke ubatfole bayosebenta etindlini tabothishela bahlobisa nemakilasi abo/abasatihlanganisi netindzaba temidlalo yesintfu/nasebacedze kubhala bavele batihlalele emakhaya/bacedza kubhala bavele bahambe bayotijabulisa bona ngetidzakamiva.  
(Kutsatfu kwaloku.) (3)

## 2.2 ITHEKSTHI D

- 2.2.1 A/Inkholelo yemadloti. (1)
- 2.2.2 B/Simo sekwesekelana. (1)
- 2.2.3 Bekafuna bayokhuluma bangaphazanyiswa ngumuntfu nabakhuluma/Kungobe bebatsandzana bekafuna kuyocitsa sikhatsi naye ngembi kwekuhamba kwakhe/Bekafuna kuyomchazela kahle kutsi yinindzaba angakamtjeli ngeluhambo lwakhe basabhala luhlolo.  
(Kubili kwaloku.) (2)
- 2.2.4 Bekacabanga kutsi Mshumayeli bekamfihlela ngobe angasamtsandzi. (1)
- 2.2.5 Yebo bebamtsandza ngobe bamtsatsa unina amlahlile bamkhulisa/Bebamesekela kuko konkhe lakwentako/Benta konkhe lokusemandleni abo kutsi uyafundza/Bebamvikela bangafuni ahlukumeteke.  
(Kubili kwaloku.) (2)
- 2.2.6 Lokunye lokungamenta ayinike lesihloko kutsatfwa kwaMshumayeli bomkhulu Gendinyoni nagogo Finishi bamnakekele njengemtukulu wabo/Kubekelwa imali kwakhe ngumkhulu wakhe kutsi achubeke afundze/Kumkhatsalela kwathishelanhloko Mdlalose lokwamenta wanaka tifundvo takhe wagcina aphumelele emphilweni.  
(Naleminye imibono lenembako yemukelekile.) (2)
- 2.2.7 Lokwenta Khanyisile ahluke ngukutsi wakhona kumela Mshumayeli wabuya ngesheya kwetilwandle/Bekamtsandza ngekweliciniso kuMshumayeli anganandzaba nemphilo layiphilako/Kunaka tifundvo takhe nobe bekatsandzana naMshumayeli.  
(Kubili kwaloku.) (2)
- 2.2.8 Kuliciniso ngobe nguye bekanenkinga yekungabati batali bakhe/sihloko sencwadzi setsiwe sacondzana naye/esiphetfweni sendzaba nguye lokhombisa kuncoba.  
(Kubili kwaloku.) (2)
- 2.2.9 Timveta angumuntfu locotfo/lobakhatsalelako labanye bantfu/lonelutsandvo ebantfwaneni. (Kubili kwaloku.) (2)
- 2.2.10 Yebo yaba liciniso ngobe Mshumayeli wabuyela emuva ekhaya sekafundzile/Wafika wasebenta kahle/Wamlobola Khanyisile bashada/Wakha likhaya bahlala kamnandzi nemntfwana wabo nagogo Finishi.  
(Kutsatfu kwaloku.) (3)

[35]

**SAMBA SESIGABA A: 35**

## **SIGABA B: UMDLALO**

### **UMBUTO 3: LAHLOMA LADVUMA – Z Motsa**

- 3.1 3.1.1 C/NguTsembative. (1)
- 3.1.2 D/Kusenkhundleni yesibhimbi. (1)
- 3.1.3 Batfuswa kubona Tsembative bacabanga kutsi nguVusematfwa lebamshiye adzakwe afile. (1)
- 3.1.4 Sigameko sekubekwa kwalotawutsatsa bukhosi. (1)
- 3.1.5 Sento saboQedizizwe siveta kutsi bakholwelwa etinyangeni ngobe balandza umutsi kuyo bawufaka etjwaleni baVusematfwa kutsi atodzakwa alale angavuki. (2)
- 3.1.6 Vusematfwa wagcina abutfolile bukhosi ngobe Tsembative wema endzaweni yakhe bangakhoni boQedizizwe kuphumelela emachingeni abo. (2)
- 3.1.7 Tiveta kutsi kunembango lokhona, ngobe kudzakiswa Vusematfwa ngenhloso yekutsi kumele angabutfoli lobukhosi buniketwe Ndvukutemphi. (2)
- 3.1.8 Lomdlalo wenteka esikhatsini sakudzala ngobe kusalandzelwa imihambo nemasiko esive, umuntfu longawalandzeli uyajeziwa ngekubulawa. (2)
- 3.1.9 Buveta ludvweshu lwangaphandle ngobe Ndvukutemphi bekafuna sitsatfwe nguye sihlalo sebukhosi ngiko akamfuni Vusematfwa. (2)
- 3.1.10 Lomdlalo uphetseke kahle ngobe uphetse ngaloko besingakakulindzeli/Onkhe emaciniso labefihlakele aphumela ebaleni esiphetfweni sawo/Kwavela kutsi Tsembative bekayindvodzana yeMbiba lebeyingatiwa/Khetsiwe walahla sikhundla sakhe sekuba yiNdlovukati walandzela inhliyo yakhe/IMbiba itfolakala icolela Qedizizwe ngekubulala Ndvukutemphi/IMbiba ivumela Tsembative kutsi ahambe naKhetsiwe lobekakhetfwe kutsi abe indlovukati. (Kutsatfu kwaloku.) (3)
- 3.2 **ITHEKSTHI F**
- 3.2.1 Badlali banyenti kakhulu. (1)
- 3.2.2 C/Ngulosifiki kuleyondzawo. (1)
- 3.2.3 A/Siluvutfondzaba. (1)
- 3.2.4 Tiyakholweka ngobe vele bakhona bobabe labanabantfwana ngaphandle labangakabakhulisi bavele sebadzala. (Timphendvulo titawehlukana.) (2)

- 3.2.5 Yebo ngiyavumelana nawo ngobe itfolakala igucula imitsetfo lebekiwe ngobe sincumo lokumele sitsatfwe sesitsintsa yona matfupha/lfuna kubeka inkhosi letawubusa yona isaphila/lvela ingenawo emaciniso ngekutsi ayikwentanga lokufanele njengababe kuTsembative.  
(Kubili kwaloku.) (2)
- 3.2.6 Tingenta lusha lwalomuhla lutitsatsele tincumo lungayihloniphi imitsetfo lefunwa batali balo, lutikhetsele nekulandzela tinhlitoyo talo lutsandzane nebantfu labafunwa ngilo.  
(Timphehndvulo titaweuhluka.) (2)
- 3.2.7 Lutsandvo ngumancoba ngobe boKhetsiwe naTsembative azange babulawe njengobe kwakusijeziso lesibafanele kodvwa bavunyelwa kutsi bachubeke nangabe batsandzana, IMbimbanchanti yabacolela. Batsandzana nanobe bayibona ingoti lebalengela kuyo yekubulawa. (2)
- 3.2.8 Yebo ulilandzele ngobe simtfolo alwa naMadzandza ngekungafuni kuvuma umntfwana wakhe, uyimbangi yaVusematfwa uletsa ludvweshu ekugcineni ulwa naQedizizwe ute uyambulala. (2)
- 3.2.9 Kuliciniso ngobe akazange watihlupha ngekulandzela imihambo nemasiko ebukhosi ngiko watsandzana naKhetsiwe lobekakhetfwe kutsi abe yiNdlovukati wacela nekutsi akavunyelwe ahambe naye lapho akhulele khona ngobe bayatsandzana.  
(Timphehndvulo titaweuhluka.) (2)
- 3.2.10 Sifundvo sekutsi ungabobakhetsela bantfwana kutsi batsatse tiphi tincumo, bavumele batikhetsele lebakutsandzako ngobe loko kutakufaka enkingeni njengemtali, sive siyatihlonipha tincumo letitsatfwa yinkhosi.  
(Timphehndvulo titaweuhluka.) (3)

**SAMBA SESIGABA B: 35**



## **SIGABA C: TINDZABA LETIMFISHA**

### **UMBUTO 4: *TELUTSANDVO ATIPHELI* – JJ Ncongwane**

#### **4.1 'LIPHUTSA LAKHO' – JJ Ncongwane**

- 4.1.1 Umka Mandlenkhosi bekahlala atfola tincingo letimbitha emsebenzini nobe ahlabe likhefu. (1)
- 4.1.2 B/eMooiplaas. (1)
- 4.1.3 Kufuna kubona kutsi inkinga yaMandlenkhosi yekubithwa kwemkakhe emsebenzini onkhe emalanga yacatululeka njani. (1)
- 4.1.4 Kuveta kutsi lomntfwana akasiye wendvodzana yakhe ngobe naku wacela Jeaneth kutsi ayomthulisela ngaphandle. (2)
- 4.1.5 Lenzatjana iwulandzele ngobe balingisi bayo abengci kulabasihlanu, inalabatsatfu kuphela. (2)
- 4.1.6 Ingcikitsi yalenzatjana kungetsembeki. Jeaneth wakhombisa kungetsembeki endvodzeni yakhe ngekuhlala acamba emanga atsi uya emsebenzini/watfolo umntfwana nalenye indvodza wasulela indvodza yakhe/wenta lisu lekubulala indvodza yakhe nesingani sakhe.  
(Kubili kwaloku.) (2)
- 4.1.7 Yebo tiyakholweka ngobe bakhona bomake labacamba emanga bashiye imindeni yabo batiyele lapho batsandza khona. (2)
- 4.1.8 Bengingamhlalisa phasi ngimtjela konkhe lengikutfolile ngaye emsebenzini wakhe/ngimnika litfuba achaze imbangela yekwenta loko lakwentile/ngimnike litfuba lekutsi akhetse kutsi usawufuna yini lomshado nobe cha.  
(Kubili kwaloku.) (2)
- 4.1.9 Yebo kuliciniso ngobe bekamshiya ekhaya ayohlangana naSam/bekalalela Sam enta konkhe lakushoko/wavuma nekutsi babulale Mandlenkhosi ngaphandle kwekutisola.  
(Kubili kwaloku.) (2)
- 4.1.10 Bomake labashadile ngingabacwayisa ngekutsi bangacali babe nekunganeliseki emakhaya abo ngobe bangatifaka enkingeni. NjengaJeaneth longatange eneliseke emshadweni wakhe waphetsa ngekulahlekelwa yimphilo yakhe.  
(Naletinye timphendvulo letinembako temukelekile.) (2)

## 4.2 'TIGA TAGEZEPHI' – JJ Ncongwane

- 4.2.1 NguGezephi. (1)
- 4.2.2 C/Utewutjela thishela Khoza kutsi unesisu/ukhulelwe. (1)
- 4.2.3 Utilesele yena inkinga emphilweni yakhe ngekulala nemntfwana wesikolo lamfundzisako. Sewutfole ligciwane leNgculazi lasalifakele nemkakhe nemntfwana latawumtala. Bekati kutsi Gezephi abedlwengulwe ngumalume wakhe kepha walala naye. (2)
- 4.2.4 Ngemuva kwekucabanga ngekutsi umkakhe akabatfoli bantfwana wase ubona kutsi kuncono asivume sisu saGezephi. (2)
- 4.2.5 Yenteka ngesikhatsi sanyalo ngobe sekunetibhedlela letinyenti nemitfolamphilo/kunetikolo/kunabomakhalekhukhwini. (Kubili kwaloku.) (2)
- 4.2.6 Kubhadala imali lenyenti ufuna kusitakala kulokutsite. Bebefuna kutfole umntfwana. (2)
- 4.2.7 Uhlukunyetwa ngumalume wakhe, bogogo baze bamyisa kulesinye sikolo ufike ugana thishela/sewukhuleliswe nguthishela loyindvodza yemfati/Kufa kwamalume Shuz kuveta kutsi bekaneligciwane lengculazi lokusho kutsi naye umshiye nalo. (Kubili kwaloku.) (2)
- 4.2.8 Esiphetfweni salendzatjana nakatsi Khoza sewukhululekile ngekutfole Gezephi, kuvela indzaba yekutsi malume waGezephi lofile abaneligciwane lokusho kutsi Gezephi, thishela nemkakhe nebantfwana labatawutalwa sebanalo. (Kubili kwaloku.) (2)
- 4.2.9 Ngivela umfati wathishela Khoza ngoba yena abengalali namuntfu lomunye ngaphandle kwendvodza yakhe, kepha nyalo sewusuleleke ngeligciwane. Injabulo yekuba nemntfwana seyitawuphazanyiswa nguloku. (Timphehndvulo titaweuhluka.) (2)
- 4.2.10 Bekacondze kusifundzisa kutsi kubalulekile kutiphatsa kahle utibambe ungatsatfwa buhle bese ukhohlwa konkhe lokunye. Kube thishela Khoza akazange ahawukele Gezephi abe ati kutsi bekadlwengulwe ngumalume wakhe, ngabe umndenini wakhe awukho kulenkinga lesewukuyo yengculazi. Kuyacaca nekutsi abengalisebentisi nelijazi. Khona nyalo sewente inkinga lenkhulu emndenini lebewusolo ubukene nenkinga leyodvwa yekungatfoli bantfwana. (Timphehndvulo titaweuhluka.) (2)

**SAMBA SESIGABA C: 35**

## **SIGABA D: TINKONDLO**

### **UMBUTO 5: EMATFUNDVULUKA – BB Malangwane**

#### **5.1 'MTFOMBO WELWATI' – SL Sigudla**

- 5.1.1 D/Imphindvwa. (1)
- 5.1.2 Sifanangwaca sa- **b** (1)
- 5.1.3 B/Luchumano lolutjekile. (1)
- 5.1.4 Tindzima talenkondlo atikahleleki kahle/Imigca ayilingani kuto tonkhe tindzima/Indzima yekucala inemigca le-5 bese letinye tinemigca le-4.  
(Kubili kwaloku.) (2)
- 5.1.5 Sicatsaniso/Kucatsanisa. (1)
- 5.1.6 Uyagcizelela. (1)
- 5.1.7 Sonkondlo usitjela kutsi sive lesifundzile siyatfutfuka sikhule, sihlonipheke. (2)
- 5.1.8 Ingcikitsi imfundvo, sonkondlo lomtfombo lakhuluma ngawo yimfundvo ngobe vele ayipheli ifana nemtfombo wemanti. (2)
- 5.1.9 Ikhuluma ngemtfombo lotfolakala etindzaweni tonkhe. Sonkondlo utsi lomtfombo uvulekele bonkhe bantfu labatimisele kunatsa kuwo. Lomtfombo lakhuluma ngawo yimfundvo. Imfundvo ivulekele wonkhe umuntfu ayikhetsi.  
(Kubili kwaloku.) (2)
- 5.1.10 Ngumlayeto lotsi imfundvo ayipheli futsi nawufundzile awuhlupheki uphila kahle.  
(Timphehndvulo titaweuhluka.) (2)
- 5.1.11 Yebo kukhona ngobe sihloko sitsi mtfombo welwati lokuyimfundvo kantsi inkondlo ikhuluma ngemfundvo letsandvwa ngabo bonkhe bantfu bayilangatelele, bahambe baye kuyewufundza kute babe nelwati. (2)

#### **5.2 'YIPHUMUTENI NEBAKITSI' – VJ Nkwanyana**

- 5.2.1 A/Ilirikhi. (1)
- 5.2.2 C/Sicedzelelamcondvo. (1)
- 5.2.3 Nashiy' ingcondvo yami seyilihobosha. (1)

- 5.2.4 Imvumelwanosicalo. (1)
- 5.2.5 Sifanisongco. (1)
- 5.2.6 Ingani kunyomuka nanini kuleto ticeshana,  
Leningitsandzele ngato letitsandzelana (1)
- 5.2.7 Sonkondlo ucondze kusitjela kutsi bekatilalele endlini yakhe,  
emasela efika amngenela atsatsa konkhe amshiya anganalutfo. (2)
- 5.2.8 Kuhleleka kwemagama emigceni yenkondlo akukho ngobe linani  
lemagama alilingani kumugca ngamunye, asuka kula-3 kuya  
kula-6. (3)
- 5.2.9 Sonkondlo wentiwa lunya lolukhonjwa ngulamasela ngobe  
awanalavelo, awabacabangeli labanye bantfu, ayabhubhisa. (2)
- 5.2.10 Sonkondlo usesimeni sekukhatsateka uva buhlungu ngalentfo  
leyentiwa ngulabantfu ebusuku. (2)
- 5.2.11 Sonkondlo ucelwa kuphunywutwa kunabu bubi lobentiwa bantfu  
kuye. Bamfikela endlini yakhe bamshiye akhala ngekumntjontjela  
batsatsa konkhe lanako bamshiye angenalutfo. Umkakhe  
bamshumphetela angakhoni nekuva lutfo. (3)

**SAMBA SESIGABA D: 35**  
**SAMBA SAKO KONKHE: 70**